

夜

航

船

夜航船卷之二

古劍陶菴老人紬

地理部

疆域

九州 人皇氏兄弟九人分天下為九州梁充青徐荆
雍冀豫揚也是至舜時以冀青地廣分冀東恒山之
地為并州分東北醫無閭之地為幽州又分青之東
北為登州共成十二州

歷代方輿 商九州周亦九州秦分天下為三十六郡
漢分天下為十三部三國蜀制巴蜀置二州吳北據
江南盡海置五州魏據中原置十二州晉制十九州

唐分十道玄宗分十五道宋分二十三路元置十二省又分天下為二十三道明分兩直隸十三省

吳越疆界 錢鏐王以蘇州平望為界據浙閩共一十四州

古揚州所轄之地南直隸浙江福建廣東廣西江西凡六省

古會稽所轄之地浙江除溫台九府杭嘉湖處寧紹金衢嚴福建除福州七府漳泉汀興建延邵南直隸蘇松常鎮四府共二十府會稽郡駐匝蘇州府

二周 鎬京為西周洛陽為東周

兩都 前漢都長安曰西都東漢都洛陽曰東都

蜀三都 成都新都廣都

魏五都 魏因漢祚都洛陽以譙為先人本國許昌為漢之所居長安為西京之遺蹟鄴為王業之本基故號五都

三輔 長安以京兆馮翊扶風為三輔宋都汴梁以鄭州滑州汝州為三輔

三亳 曹州考城縣曰北亳西京穀熟縣曰南亳西京偃師縣曰西亳

三吳 蘇州曰東吳潤州曰中湖吳州曰西吳

三楚 江陵曰南楚徐州曰西楚蘇州曰東楚

三齊 臨菑曰東齊博陽曰濟北蓬州即墨曰膠東

三蜀 成都為蜀都漢高分置漢廣漢武分置犍為

三晉 趙都邯鄲魏都大梁韓都鄭三家皆晉卿故曰

三晉

三秦 章邯都廢五司馬欣都櫟陽董翳都高奴三人
皆秦降將項羽分關中地以王之曰三秦

三號 太陽曰北號滎陽曰東號雍州曰西號

三越 吳越杭州閩越福州南越廣州

三巴 渝州為中巴綿州為巴西歸夔魚腹雲安為巴

東

三湘 曰湘鄉曰湘潭曰湘原在湖南屬潭州

三河 周都曰河南商都曰河內堯都曰河東

四京 開封曰東京河內曰西京應天曰南京大名曰北京

四輔 唐都長安以同州華州岐州蒲州為四輔
四川 成都為西川潼州為東州川利州為北川夔州為南州川

五服 禹貢五服曰甸服侯服綏服要服荒服每服五百里計二千五百里

九服 周九服曰侯服甸服男服采服衛服蠻服夷服鎮服藩服謂之服者責以服事天子為職也

百二山河 秦地險固二萬人足當諸侯百萬人故曰百二山河

九邊 明朝設以限華夷洪武初設重鎮六曰宣府曰大同曰甘肅曰遼東曰延綏曰永夏寧夏永樂初增設薊州正統間又增榆林固原是為九邊

六關 直隸三關曰居庸曰紫荆曰倒馬山西三關曰雁門曰寧武曰偏頭

陶唐九州 冀州禹貢帝都之地三面距河時蓋黃河由冀入海也釋名冀州其地有險有易亂則冀治弱則冀強荒則冀豐也春秋元命苞曰昴畢之間為天街散為冀州分為趙國立為常山 兖州禹貢濟河惟兖州為東南據濟西北距河蓋冀之東南也元命苞曰五星流為兖州兖之言端也言陽精端其氣纖

殺分為鄭國 青州禹貢海岱惟青州謂東北距河
海西南距岱又在兗之東也釋名青州在東取生物
而青也元命苞曰虛危之精流為青州分為齊國立
為萊山 徐州州禹貢海岱及淮惟徐州謂東至海
北至岱南至淮又在青州之南也元命苞曰天弓星
司弓弩流為徐州別為魯國徐之為舒也言陰牧內
雨安詳也 揚州禹貢淮海惟揚州謂北至淮東南
海至又曰江南之氣躁勁厥性輕揚也元命苞曰牽
牛流為揚州分為越國立為揚山 荊州禹貢荆及
衡陽惟荊州謂北距南條前山南包衡山之陽蓋在
揚州之西而豫州之西南也釋名荆驚也南蠻數為

寇逆言當驚備之也元命苞曰軫星散為荊州分為
楚國 豫州禹貢荊河惟豫州謂西南至南條荊山
北距大河蓋在冀州之南荊州之北徐堯之西也元
命苞曰鉤鈴星別為豫州言地在九州之中所在常
安豫也 梁州禹貢華陽黑水惟梁州謂東距華山
之南西距黑水蓋在雍州之南荊州之西也以西方
屬金其氣強梁故曰梁州當夏殷為蠻夷之國至周
始并入雍州 雍州禹貢黑水西河惟雍州謂西距
黑水東距西河蓋在冀州之西梁州之北太康地記
雍州并得梁州之地西北之位陽所不及陰氣雍關
故取名焉元命苞曰東井鬼星散為雍州分為秦國

虞十二州 九州之外分設并州則蓋冀之東北暨無
閭之餘地也元命苞曰營室星流為并州分為鄭國
立為明山并之謂言誠也精全及并其氣勇抗誠信
也 幽州即冀東恒山諸地蓋在北幽昧之地也元
命苞曰箕星散為幽州分為燕國 營州即青之東
北遼東等處釋名齊衛之地於天文屬營室故取其
名蓋舜以冀青地廣而分之也

周九州 東南曰揚州其山鎮曰會稽其數澤曰具區
其川三江其浸五湖 彭蠡洞庭青草太湖丹陽也其
利金錫竹箭其民二男五女 蓋通以一州之民計之
二分為男五分為女也其畜鳥獸其穀宜稻 正南

曰荊州其山鎮曰衡山其藪澤曰雲夢其川江漢其

浸潁湛其利丹銀齒草其民一男二女其畜鳥獸其

穀宜稻 河南曰豫州其山鎮曰華山其藪澤曰圃

田其川滎雒其浸波澨音詐其利材漆絲枲其民二

男二女其畜宜六擾雞豚犬馬牛羊也其穀宜五種

稻黍稷麥菽也 正東曰青州其山鎮曰沂山其藪澤

曰望諸其川淮泗其沂浸沐其利蒲魚其民二男二

女其畜雞狗其穀宜稻麥 河東曰兗州其山鎮曰

泰山其藪澤曰大野其川河洸其浸盧維其利蒲魚

其民三男三女其畜六擾其穀宜四種 正西曰雍

州其山鎮曰岳山其藪澤曰豳在沂陽其川涇汭

其浸渭洛其利玉石其民三男四女二其畜宜牛馬
其穀宜黍稷 東北曰幽州其山鎮曰鹽無閭遼東
其藪澤曰穀養在萊陽其川河沖其浸菑時萊蕪股
陽其利魚鹽其民一男三女其畜牛馬羊豕其穀宜
黍麥稻 河內曰冀州其山鎮曰霍山其藪澤曰揚
紆其川漳其浸汾潞汾出汾陽潞出歸德其利松柏
其民五男三女其畜牛羊其穀宜黍稷 正北曰并
州其山鎮曰恒山其藪澤曰昭餘邪在鄆其川庫池
嘔夷其浸洩易其利布泉其民二男三女其畜牛馬
犬豕羊其穀宜五種

秦三十六郡

始皇初并天下罷諸侯置守尉遂分天

下為三十六郡每郡置一守一丞兩尉以典之郡名曰內史三川河東南陽南郡九江鄆郡會稽潁川碭郡泗水薛郡東郡瑯琊齊郡上谷漁陽北平遼西遼東代郡鉅鹿邯鄲上黨太原雲中九原龐門雁上郡隴西北地漢中巴郡蜀郡黔中長沙後又置閩中南海桂林象郡四郡凡四十郡

漢十三部 漢分天下為十三部每部置刺史領天下

郡國一百三 司隸校尉領京兆扶風馮翊弘農河

東河內河南七郡豫州刺史領潁川汝南沛郡梁國

魯國五郡 冀州刺史領魏郡鉅鹿常山清河廣平

真定中山信都河間趙國十郡 兖州刺史領陳留

揚州刺史
益州刺史
益州刺史
益州刺史

東郡山陽濟陰秦山城陽東平七郡 徐州刺史領

琅瑯東海臨淮泗水楚國五郡 青州刺史領平原

千乘濟南齊郡北海東萊膠東高密菑川九郡 荆

州刺史領南陽南郡江夏桂陽武陵零陵廣陵長沙

八郡 益州刺史領漢中廣漢巴郡蜀郡犍為越雋

牂牁益州八郡 涼州刺史領安定北城隴西武威

金城天水武都長掖酒泉墩煌十郡 并州刺史領

大原上黨上郡西河朔方五原雲中定襄雁門九郡

幽州刺史領涿郡渤海代郡上谷漁陽北平遼西

遼東廣陽樂浪玄菟十一郡 交州刺史領海南鬱

林蒼梧交趾合浦九真日南七郡

三國州郡

蜀漢全制巴蜀置二郡曰益州成都曰梁州漢中有
郡二十先主初置九郡曰巴東曰巴西曰梓潼曰河
陽曰文山曰漢嘉曰朱提曰雲南曰涪陵并得舊漢
曰巴郡曰廣漢曰犍為曰牂牁曰越雋曰益州曰漢
中曰永昌曰南安曰武都

孫吳北據江南盡海置州五曰交州安南曰廣州南

海曰荊州江陵曰郢州江夏曰揚州丹陽孫權置臨

賀武昌朱厓新安廬陵五郡孫亮又置臨安川臨海

衡陽湘東四郡孫休又置天門建平合浦三郡孫皓

置姑安姑興邵陵安成新昌武平九德吳興平陽桂

林榮陽十一郡因立宜陽一郡并漢十八郡共四十
三郡

魏據中原有州十二曰司隸河南曰豫州譙曰荊州

襄陽曰兖州武威曰青州臨菑曰徐州彭城曰涼州

天水曰秦州上邽曰冀州代郡曰幽州范陽曰并州

晉陽曰揚州壽春

晉十九州曰司州河南曰兖州濮陽曰豫州項城曰冀

州趙郡曰并州晉陽曰青州臨菑曰徐州彭城曰荊

州江陵曰揚州初壽春後建業曰雍州京兆曰秦州

上邽曰益州成都曰梁州南鄭曰寧州雲南曰幽州

范陽曰平州昌黎曰州交州番禺曰涼州武威

唐十道自晉蕩陰敗復南北分爭州郡割裂宋齊梁陳
徂於江左隋氏雖能混一而享祚不長至唐太宗肇
造區夏并有州郡始因山以形使分為天下為十道
曰關內曰河南曰河東曰河北曰山南曰隴右曰淮
南曰江南曰劔南曰嶺南貞觀十五年大簿凡州府
三百五十八 玄宗開元初又分為十五道曰京畿
西京曰都畿東都曰關內京官遙鎮曰河南陳留曰
河北魏郡曰隴右西平曰山南東襄陽曰山南西漢
中曰江南東吳郡曰江南西豫章曰劔南蜀郡曰淮
南廣陵曰黔中貴州曰嶺南南海

宋二十三路太宗分天下為十五路至仁宗又分為二

十三路曰京東東路京東西路曰京西南路京西北
路曰河北東路河北西路曰陝西路曰秦鳳路曰河
東路曰淮南東路淮南西路曰兩浙路曰河南江南
東路江南西路曰荆湖南路荆湖北路曰成都路曰
梓州路曰利州路曰夔州路曰福建路曰廣南東路
廣南西路

元十二省元建中書省十二轄天下州郡曰都省治腹

裏路曰河南行省汴梁曰湖廣行省武昌曰浙江行

省杭州曰江西省行龍興曰陝西行省京兆曰四川

行省成都曰雲南行省中慶曰遼陽行省遼東曰鎮

東行省高麗曰甘肅行省甘州曰嶺北行省和州又

分天下為二十二道

明兩直隸十三省

北直隸八府十七州一百一十六縣賦六十萬一千

北京在順天南直隸十四府十七州九十六縣賦五百

九十九萬五千南京在應天河南八府十州九十六縣

賦二百四十一萬四千開封在省城在陝西八府二十二

州九十五縣賦一百九十二萬九千西安在省城在山東

六府十五州八十九縣賦二百八十五萬一千濟南在省城在

湖廣十五府十六州一百零七縣賦二百十六

萬七千武昌在省城在浙江十一府一州七十五縣賦二

百五十一萬杭州在省城在江西十三府一州七十七縣

賦二百五十二萬八千南省城在福建八府五十七

縣賦一百一十萬一千福州城在山西五府二十州

七十八縣賦二百二十七萬四千省城在四川八

府二十州一百零七縣賦一百二十萬六千省城在

都廣東十府八州七十五縣賦一百一萬七千省城在

州在廣西十一府四十七州五十三縣賦四十三萬

一千省城在雲南十四府四十一州三十縣賦一

十四萬雲南省城在貴州八府六州六縣賦四萬七千

貴省城在

建都

伏羲都陳今河南陳州神農亦都陳或曰曲阜今山東

曲阜縣黃帝都涿鹿今順天府涿州少昊都曲阜

顓頊都帝丘今山東濮州帝嚳都亳今河南偃師縣

帝堯都平陽今山西平陽縣虞舜都蒲阪今平陽蒲

州夏禹都安邑今平陽夏縣商湯都亳周都豐鎬

今陝西長安縣是謂關中周平王遷洛陽今河南洛

陽縣秦都咸陽今西安府咸陽縣漢都洛陽因婁敬

說西遷長安東漢都洛陽魏因漢祚亦都洛陽

蜀漢都成都今四川成都府吳初居鎮江都武昌今

湖廣武昌府後遷建業今南直應天府西晉都洛陽

東晉都建業元帝東渡避愍帝諱改名建康宋齊梁
陳俱都建康元魏初居雲中今大同府懷仁縣後遷
洛陽北齊都鄴今河南彰德府西魏都長安關中
後周都長安隋都長安煬帝以巡幸徙都洛陽唐都
長安梁都汴今河南開封府後唐石晉漢周末俱都
汴南宋都臨安今杭州府元都大都今順天府明都
建康永樂遷於北平即元之大都也

地名

崔符

音完蒲鄭地龍克克音奪趙地連穀穀音斛楚地

方與

音防預趙地番易音婆陽楚地曲逆逆音遇漢

邑陳平

封曲逆侯慶亭慶音逞吳興有慶亭後亭人

後數

瓦切縣在上黨越雋雋音肅郡府在蜀地閼鄉

閼音文

縣名在號鰲屋音周質在西安水曲曰鰲山

曲曰屋

廊音孚在侯西延安府母音貫地在濟

陽南

役音免戶在馮翊胸音瞿門本縣名巴郡

多此蟲

因為邑名鄭贊在南陽差在沛國二地音不

同蕭何

封鄭侯緱氏緱音溝山名邑名本義劍頭纏

絲牂牁

音臧柯郡名允吾音鉛牙谷名在隴西裴音

肥邑名須句須音渠地在魯東平
行氏音權精又直
音縣名令支音零岐縣名鄆音塊一在晉一在成都
寃句音寃句在曹州今廢臨朐朐音渠縣名在山東
合居合音連邑名慮虎音盧夷縣名罕音罕罕音罕章
地取慮音趨閭縣名在臨淮黑尿音眉嶽音灼齊
地句寃寃音上齊魯邑抱罕音夫謙縣名鄆城音資
齊地鄆城鄆音絹衡地射洪音石紅縣名亭音郭縣
名先零音連沐陽沐音術縣名虎祈音思新奇地
名察丘察音勝魯地句繹音句亦邾地盱眙音虛宜
縣名都龐龐音龍邑名繁時時音止邑名澶淵澶音
禪音今開川橋李橋音醉在嘉興郎暉暉音枕健為健

音乾蜀郡名
𦍋穰 𦍋音糜
𦍋猶 音仇
由邑名
毋掇 音

無拙縣屬益州
泊羅 泊音博
縣名
虹縣 虹音降
苴芊

音斜
米徙 音斯
邑名
𡵚巖 音可
婁州名
近太原
唐縣

唐音疾
縣名
在清河
𦍋音崩
鄭地
𦍋池 𦍋音免
縣在

河南
𦍋音侈
上聲
宋地
𦍋翠 翠上聲
魯地
夫童 童音中

儋州 儋音丹
鄒尸圭切
邑在齊東
𦍋其寄切
寧母音

甯某魯地
鄒杜 音戶
古漢陂
今縣屬鳳翔
鄒丘 鄒音

西齊地
虛打 音區
汀宋地
𦍋𦍋 𦍋音求
地名
棘𦍋 𦍋音

音𦍋
地名
在徒為
鄒于軌切
鄭地
𦍋𦍋 音利
𦍋音

詩魯地
𦍋由去聲
鄒地
素𦍋 𦍋章夜切
在淮南
𦍋音

浮州名
在重慶府
葉縣 葉音涉
瀧水 瀧音商
縣名
朱

提音殊時邑名承陽承音蒸餘汗汗音干番禾番音

盤音標陽標音約邑名平輿輿音玉郟城音談縣名沙

羨音夷蓮勺蓮音筆邑名不羹音郎邑名堵陽堵

音者邑名澠溜音承脂縣名沁音倩山西沁州新淦

淦音幹縣名隆閣音林閭邑名雲川雲音報湖州

陽夏夏音賈睢州睢音雖會稽會音貴邑名

山水異名崑崙一名崑岑君山一名嫺宮武當一名

蓼嶺晉院一名梅岑青城一名天谷大復一名胎簪

衡山一名芝岡齊雲一名白嶽東海一名岱淵

古蹟

赤縣神州 古今通論東南方五千里名曰赤縣神州
中有和美鄉方三千里五嶽之城帝王之宅聖賢所
居也

粉榆社 漢高帝禱於粉榆社帝之故鄉也高帝以豐
沛為其湯沐之邑令世世無有所予

新豐 太上皇居深宮以生平所好皆販徒少年酤酒
賣餅鬪雞蹴鞠之輩今皆無此故怏怏不樂高祖乃
作新豐移舊鄉里命匠人胡寬悉倣其衢巷門閭士
女老幼相攜路首各認其門而入放牛羊雞犬於通
塗亦各識其家上皇大悅

洋川者戚夫人之所生處也高祖得而罷之夫人思慕本鄉追求洋川高帝為驛致長安蠲復其鄉更名曰縣又故目其地為洋川用表夫人誕載之休祥也桑梓地 祖父植桑梓以遺其子孫子孫思其祖澤不忍翦伐故詩曰維桑維梓必恭敬止

漢壽在四川保寧府廣元縣漢封關公為漢壽亭侯即此地後人稱壽亭侯者誤

度索尋橦 度索以繩索相引而度也尋橦者植兩木於兩岸以繩貫其中上有一木筒所謂橦也人縛橦上以手緣索而進以達彼岍有人解之所謂尋橦也井陘道 韓信與張耳將兵擊趙李左軍說趙王曰井

陁道險車不得方軌騎不能成列願假臣三萬人從間道絕其輜重兩將之頭可致之麾下

九折坂 漢王陽為益州牧至九折坂歎曰奉先人遺體奈何數乘此險後王尊至此曰此非王陽所畏處耶乃叱其御歷險而上後人王陽不失為孝子王尊不失為忠臣

赤地青野 地空無物曰赤地野無人民無禾稻曰青野

息壤 古地名有二一在荊州一在永州地中不可犯畚鍤犯者立死

解池鹽不必煎煮居人疏地為畦決水灌其中俟南風

起此鹽即成故大舜歌曰南風之起矣可以阜吾民之財兮

保傲塔 錢忠懿王名俶入朝恐其羈留作塔以保之稱名尊天子也今誤作保叔不知者遂有保叔緣何不保夫之句

媯汭 音規 汭河東有二泉南流曰媯北流曰汭尚書釐降二女於媯汭

孔林 自泰山發脉石骨走二百里至曲阜結穴洙泗二水會於其前孔林數百畝築城圍之城以外皆孔氏子孫圍繞列葬三千年來未嘗易處南門正對嶧山石羊石虎皆低小埋土中伯魚墓孔子所葬南面

居中前有享堂堂右橫去數十武為宣聖墓墓坐一小阜右有小屋三楹上書子貢廬墓處墓前近案對一小山其前即葬子思父子孫三墓所隔不遠馬鬣之封不用石砌土堆而已林中樹以千數惟一楷木老本有石碑刻子貢手植楷其下小楷生植甚繁此外合抱之樹皆異種魯人世世無能辨其名者蓋孔子弟子異國人皆持其國中樹來種者林以內不生荆棘并無刺人之草

土著音著言着土地而有常居者非流寓遷徙之人也
今人誤讀為注

雒邑 漢先武定居洛邑漢以火德王忌水故去水而

加佳改洛為雒後魏以土德王以水得土而流土得水而柔故又除佳加水

京觀謂高丘如京觀闕形也古人殺賊戰捷陳尸必築京觀以為藏尸之地古之戰場所存在有之

玉門關 漢班超久在絕域年老思歸上書曰臣不願到酒泉郡但願生入玉門關

鴈門關 在大同府馬邑縣北鴈入塞必啣蘆一根擲之關門然後飛入如納稅然蘆柴堆積如山設有蘆政主事歲進蘆銀以萬計

夏國 揚州漕河東岸有墓表題曰夏國公墓道夏音度與夏字相類少一發筆下作又行人遂誤為夏國

公蓋明顧公王之封號賜地葬此也

魯魚米之地 唐田澄蜀城詩地富魚為米故稱沃土為魚米之地

漏澤園創始於宋元豐間立為埋葬之所取澤及枯骨不使有遺漏之義也明初令民間立義塚天順四年令郡縣皆置漏澤園

山亭

昔歐亭

漢蔣澄封山亭侯今漂陽有山

鬼門關 在交趾南其地多瘴癘去者罕得生還諺曰鬼門關十去九不還

鐵甕城

在鎮江孫權所築 刊溝在揚州夫差所開

女陽亭

在宗德縣句踐入吳時夫人產女於此亭及

吳滅後乃名女陽更就李為女兒鄉

崖州為大 宋丁謂貶崖州司戶常語客曰天下州郡孰大為客曰京師也謂曰朝廷宰相今為崖州司戶則惟崖州為大也

戒石銘 宋高宗紹興二年六月頒黃廷堅所書戒石銘於州縣令刻石文曰爾俸爾祿民膏民脂下民易虐上天難欺

悲田院 唐會要曰開元五年宋璟蘇頌請建悲田院使乞兒養病以給廩食亦曰貧子院

築城 周公築洛陽城公孫鞅築咸陽城伍員築蘇城范蠡築越城張儀築成都城蕭何築長安城孫權築

建康城泗州城王審知築福州城錢鏐築杭城

燕長城 燕始城上谷至遼東趙始城雁門至靈州秦

始皇補築始名長城北齊文宣帝復築長城漢武帝
復築遼東城

開險 司馬錯開巴蜀秦昭王開義渠趙武靈王開代
樓煩白羊燕惠王開遼東秦始王皇開朔方漢彭吳
開穢貊唐蒙開邛笮夜郎牂牁越雋莊助開東甌西
越衛青開陰山

勝國 滅人之國曰勝國言為我所勝之國也左氏曰
勝國者絕其社稷有其土地

支無祁 大禹治水至桐柏山獲水獸名無祁形似獮

猴力踰九象人不可視乃命庚辰鎖於龜山之下淮
水乃安唐永泰初有漁人入水見大鐵索鎖一青猿
昏睡不醒涎沫腥穢不可近

雷峰塔 在錢塘西湖淨寺前南屏之支麓也昔有雷
就者居之故名上有塔遭回祿今存其殘塔半株

雪竇 在奉化縣唐時雪竇禪師居之鳥窠衣褶寂然
不動

岳林寺 在奉化布袋和尚道場其鉢盂佛跡尚在

虎丘 吳王闔閭死治葬穿土為川積壤為丘銅棺三

重以黃金珠玉為鳧雁葬三月金精上騰為白虎蹲

踞山頂因名虎丘

坑儒谷 在臨潼秦始皇密令冬月種瓜於驪山谷中
溫處皆熟詔博士諸生說之前後七百人言人人殊
則皆使往視因伏機陷之後人號坑儒谷

鶴林寺 在潤州有馬素塔米元章愛其松石深秀誓
以來生為寺伽藍呵護名勝公沒時鶴林伽藍無故
自倒里人知公欲踐風願遂塑其像於寺之左偏

祖堂 在應天府治南唐法融和尚得道於此為南宗
第一祖師在山房禪定有百鳥獻花故又名獻花巖
雨臺花臺 梁武帝時有雲光法師講經於此天花亂
墮故名雨花

飛來峯 在杭州虎林山之前晉時西僧歎曰此是天

竺國靈鷲山之小峯嶺不知何日飛來因名之飛來峯

躲婆術 在紹興蕺山下王右軍居此有老嫗常扇右軍為題其扇嫗有愠色及出人競買之他日嫗又持扇乞書右軍避去故其下有題扇橋躲婆術

筆飛樓 在蕺山之麓王右軍於此寫黃庭經筆從空飛去今其地有筆飛樓址

樵風徑 在會稽平水漢鄭弘少時採薪得一遺箭頃之有老人負箭還之問弘何欲弘知其神人答曰常患若耶溪載薪為難願朝南風暮北風後果如其言雷門 即紹興府之五雲門會稽志雷門上有大鼓聲

聞洛陽後鼓破有二鶴從鼓中飛出聲遂不遠

蘭渚 在紹興府城南二十五里晉永和九年上巳日
王右軍與謝安孫綽許詢輩四十一人會此修禊事
今傳有流觴曲水蘭亭故址

西陵 在蕭山一名固陵范蠡治兵於此言可固守因
名

蕈醪河 在紹興府治南句踐行師日有獻壺漿者跪
而受之取覆上流水中命士卒乘流而飲人百其勇
一戰遂有吳國因以名之

浴龍河 在紹興西門外宋理宗與弟芮少時同浴於
河鄞人余天錫卧舟中夢二龍負舟起視之則二小

兒緣舟戲問之知是宗室遂與史彌遠言其異卒嗣帝位

沉釀壇 在山陰柯山之前鄭弘應舉赴洛親友餞於此以錢投水依價量水飲之各醉而去

曹娥碑 在曹娥江畔漢上虞令度尚所立尚弟子邯鄲淳所撰蔡邕題黃緝絹幼婦外孫蓋曰隱絕妙好辭四字魏武問揚修曰解否修曰解魏武曰卿勿言行三十里始悟乃歎曰吾不如卿三十里 按魏武不曾過錢塘所見碑應是搨本

錢塘 梁開平四年錢武肅王始築捍海塘在候潮門外潮水晝夜衝擊版築不就王命強弩數百以射潮

頭潮水東擊西陵海塘遂就

桃源 晉時有漁人乘舟捕魚緣溪行忘路遠近見洞
口桃花捨舟入其中土地開朗民居稠穰雞犬桑麻
怡然自樂漁人驚問云是先世避秦來此遂與外隔
問今是何世不知有漢無論魏晉漁人出乃屬曰不
足為外人道也

牛渚磯 在姑孰相傳水深不可測相傳其下多怪物
溫嶠燃犀角照之須臾見水族奇形怪狀有乘車馬
著赤衣者是夜嶠夢一人謂曰與君幽明道隔何事
相窘嶠覺而惡之未幾以齒疾拔齒中風而卒

杜宇始鑿巫峽漢武帝鑿曲江張九齡鑿梅嶺秦始皇

厭天子氣掘淮流西入江禹貢東入海始名秦淮隋
煬帝東游穿河自京口至餘杭六朝自雲陽鑿運瀆
徑至建康始復禹通渠故道穿通濟渠為後世通漕
轉運

泰山上有金篋玉策能知人年壽修短漢武帝探策得
十八倒讀曰八十後壽果八十

八詠樓 在金華府府治西南即沈約立暢樓也宋守
馮伉更今名

古蜀國 今成都府蜀之先自黃帝子曰昌意娶蜀山
氏女生帝嚳乃封其支度於蜀歷夏商始稱王首名
蚕叢次曰柏灌次曰魚鳧

八陣圖 在新都牟彌鎮孔明八陣圖凡三在夔州者六十有四方陣法也在牟彌者一百二十有八當頭陣法也在棋盤市者二百五十有六下營法也 又沔之定軍山下亦有之夜常聞金鼓聲

神女廟 在巫山楚襄王游於高唐夢一婦人曰妾在巫山之陽高丘之上朝為行雲暮為行雨比旦視之如其言遂立廟

華表柱 遼陽城內鼓樓東昔丁令威家此學道得仙化鶴來歸止華表柱以味畫表云有鳥有鳥丁令威去家千歲今始歸城郭雖是人民非何不學仙冢累

麥飯亭 在潯沱河上馮異進光武麥飯處蕪姜亭在饒陽馮異進豆粥處

柏人城在唐山漢高祖過此欲宿心動問縣何名曰柏人高祖曰柏人迫於人也不宿而去

孟姜石 山海衛長城北石上有婦人跡相傳為秦時孟姜女尋夫之地

九層臺 太平按說苑晉獻公築九層臺其臣荀息諫曰臣能累十二棋子如卵於上公曰危哉遂止其役遺址尚存

虎祁宮 在曲沃左傳晉作虎祁宮而諸侯畔謂此衛靈公之晉平公晉平公置酒於虎祁令師涓奏靡靡

之樂師曠曰此必得之濮上乃亡國之聲也不可聽
三岡四鎮 俱在大同應州趙霸岡在城東黃花岡在
城西護駕岡在城南安邊鎮在城東大羅鎮在城南
司馬鎮在城西神武鎮在城北元好問詩南北東西
俱有名三岡四鎮護全城

桑林 在陽城湯有七年之旱禱雨於此至今多桑
天繪亭 在平樂府治一日郡守欲易名忽從土中得
片石云予擇勝得此亭名曰天繪後某年月日當有
俗子易名清暉者遂已

洛陽橋 在泉州府城東北跨洛陽江一名萬安橋郡
守蔡襄建長三百六十丈廣丈有五尺先是海渡歲

溺死者無算襄欲壘石為梁慮潮漫不可以人力勝
乃遺檄海神遣一吏往吏酣飲睡於海厓半日潮落
而醒則文書已易封矣歸呈襄啟之惟一酷字襄悟
曰神其令我廿一日酉時興工乎至期潮果退舍凡
八日夕而功成費金錢一千四百萬

社倉 在崇安宗乾道中縣大饑朱文公文請於郡得
粟六百石賑給之秋成民償粟於官因乞留里中立
社倉夏貸冬收以為常規文公自作記後請頒其法
於天下

五羊城 即廣州府城初有五仙人騎五色羊至此故
名

梅花村 羅浮飛雲峰側趙師雄一日薄暮於林間見
美人淡粧素服行且近師雄與語芳香襲人因扣酒
家共飲少頃一綠衣童來且歌且舞師雄醉而卧久
之東方已白視大梅樹下翠羽啾啾參橫月落但惆
悵而已

滕王閣 南昌府城章江門上唐高宗子元嬰封滕王
時建都督閻伯嶼重九宴賓僚於閣欲誇其壻吳子
章才令宿構序時王勃省父經此與宴閻請衆賓序
至勃不辭閻恚甚密令吏得句即報至落霞秋水句
歎曰此天才也其壻慙而退

岳陽樓 岳州西門滕王京建樓范希文記蘇子美書

邵竦篆稱四絕

巴丘山 岳州府城南昇屠巴蛇於洞庭積骨為丘故名

山川

九山 會稽山衡山華山沂山岱山岳山鑿無閭山霍山恆山

九澤 大陸澤夏雷澤彭蠡澤雲夢澤震澤荷澤孟豬澤滌澤

五嶽 東嶽泰山山東濟南府泰安州南嶽衡山湖廣衡州府衡山縣中嶽嵩山河南河南府登封縣西嶽華山陝西西安府華陰縣北嶽恆山山西大同府渾源縣

九河 曰徒駭曰太史曰馬頰曰覆釜曰胡蘇曰簡曰滌曰鉤盤曰易津

五鎮 東鎮沂山公東安公在沂州南鎮會稽山永興公在紹興中鎮霍山應聖公在晉州西鎮吳山成德公在隴州北鎮瑩無閭山廣寧公在營州

五湖 一洞庭二青草三鄱陽四丹陽五太湖一曰五湖者太湖之別名也一名震澤一名笠澤

四瀆者江淮河漢是也禹平水土名曰四瀆禮記天子祭天下名山大川五嶽視三公四瀆視諸侯

四海 天地四方皆海水相通九戎八蠻九夷八狄形類不同總而言之謂之四海渤海者又東海之別支也

三島 東海之盡謂之滄海其中有蓬萊方丈瀛洲三

神山金銀為宮闕神仙所居

五山 渤海之東有大壑名歸墟其中有岱輿員嶠方壺瀛洲蓬萊五山

三江者松江婁江東江也其分流處曰三江口

三泖 在松江府俗傳近山涇者為上泖近泖橋者為中泖自泖橋而上縈遶百餘里曰長泖是謂三泖
崑崙山 在西番山極高峻積雪至夏不消延亘五百餘里黃河經其南

黃河 在西番其水從地湧出百餘里東北淮滙為大澤又東流為赤賓河合忽蘭諸河始名黃河從東北至陝西蘭州始入中國元招討使都實始窮河源

華山 韓昌黎夏日登華山之巔顧見其險絕恐慄度不可下據崖大哭擲遺書為訣華陰令搭木架數層紿其醉以氈裹縋下之

匡廬山 在南康府周時匡裕兄弟七人結廬隱此故名志中言有二勝開元漱玉亭栖賢三峽橋內有白鹿洞為朱晦菴讀書處今另設學校以教習諸生

武夷山 在崇安高峰三十有六道書第十六洞天當有神人降此自稱武夷君又列仙傳錢鏐二子長曰武次曰夷故名

龍虎山 在貴溪兩石峙如龍昂虎踞即上清宮也世為張道陵所居上有壁魯洞即天師得異書處

壘務音權旋山在柏人城之東北尚書言舜納於大麓

迅雷風烈弗迷即此

華不注

不音夫與跗同

言此山孤秀如花跗之注於水

也九域志云大明湖望華不注山如在水中

白嶽山

在休寧縣一名齊雲巖上有石鐘樓石鼓樓

香爐峯燭臺峯皆奇景上供玄帝像云是百鳥叩泥

所塑靈應異常人稱小武當時時有王靈官響鞭山

聲如霹靂

鎮江三山

一曰北固一曰金山一曰焦山焦山者漢

末隱士焦先隱此故名上有瘞鶴銘陶隱居所書雷

火斷之今墮江岸

八公山 在壽州淮南王安與賓客八公修煉於此謝
玄陳兵淝水苻堅望見八公山草木風聲鶴唳皆為
晉兵

天童山 在鄞縣晉僧義興卓錫於此有童子給役薪
水久之辭去曰吾太白神也上帝命侍左右言訖不
見遂名太白山又名天童山

招寶山 在定海天氣晴朗朝鮮日本諸國一望可見
山中有棋子坪以白飴撒之得白子以黑豆撒之得
黑子

翁洲山 在定海徐偃王所居句踐欲封夫差於甬東
即此地也唐開元中置翁洲縣

雞鳴山 在應天應府東舊名雞籠山雷次宗開館於此齊高宗常就次宗受左氏春秋

牛首山 在祖堂之北上有二峯相對如牛角故名晉王導曰此天闕也又名天闕山

攝山 在應天府治東北產攝生草上有千佛巖栖霞寺即明僧紹捨宅

茅山 在句容初名句曲山茅君得道於此更今名上有三峯三茅君各占其一謂之三茅峯三峯之北曰玉晨觀即所謂金陵地肺也

莫愁湖 三山門外昔有妓盧莫愁家此故名

天台山 上應台星高一萬八千丈周八百里從雲花

亭麓視石梁瀑布如在天半上有瓊臺玉闕諸景舊
名金庭洞天

天姥山在浙之新昌縣李太白夢游天姥即此近產茶
名天姥茶

文公山在尤溪朱晦菴父松為尤溪尉任滿假館於
鄭氏建炎庚戌九月朱子生所對二山草木繁密野
燒焚之山形露出文公二字

雲谷山在建陽羣峰上蟠中阜下踞雖當晴晝白雲
空入則咫尺不可辨朱文公作草堂其中榜曰晦菴
鐘山在分宜晉時雨後有大鐘從山峽流出驗其銘
乃秦時所造故名鐘山後有漁人山下得一鐸搖之

聲如霹靂山嶽動搖漁人懼沈之水或曰此秦始皇
毆山鐸也

寒石山 唐寒山捨捨得二僧居此豐干和尚謂閭丘
太守曰寒山拾得是文殊普賢後身太守往跡之二
人笑曰豐干饒舌遂隱入石中不復出

石鏡山 在臨安有圓石如鏡錢鏐少時照之冠冕儼
然王者唐昭宗封為衣錦山鏐常於此宴故老木石
皆披錦繡

宛委山 在會稽禹穴之前上有石匱大禹發之得圭
赤圭珪如日碧珪如月長一尺二寸又傳禹治水畢
藏金簡玉字之書於此

寶山 一名攢宮在會稽縣東南宋高孝光寧理度六陵在焉元妖僧楊琬真伽發諸陵唐珣潛收陵骨瘞於蘭亭山之冬青樹下陵骨得以無恙獨理宗頭大如斗不敢更換元人取作溺器我太祖得之沙漠復歸本陵有石碑記其事

越城中八山 卧龍戴山火珠白馬蛾眉鮑郎彭山怪山更有黃琢山在華嚴寺後人不及知蛾眉山在軒亭北首民居之內今指土穀寺神桌下小石為蛾眉山者非是怪山在府治東南水經注云是山自瑯琊東武海中一夕飛來居民怪之故曰怪山上有靈鰻井鰻大如柱能致風雨越王築臺其上以觀雲氣

尾閭 台州寧海縣東海中水湍急陷為大渦者十餘處百凡浮物近之則溺

瓠子河 漢武帝元光三年河決頻上復決濮陽瓠子汎郡十六發卒數萬人塞瓠子河天子自臨決河沉白馬玉璧於河築室其上名防宣宮

錢塘潮 朝夕兩至初三日起水二十日落水每月十八潮大八月十八潮尤大有候潮歌曰午未未未申寅卯卯辰辰巳巳巳午午朔望一般輪

磻谿 在鳳翔府寶雞縣呂望釣此得一魚腹有璜玉文曰周受命呂氏佐今石上隱隱見兩膝痕

灕澗堆 在瞿唐峽口有孤石冬出水二十餘丈夏即

沒入水中土人云灩澦大如象瞿唐不可上灩澦大如馬瞿唐不可下以為水候庾子興奉父觀還巴東至瞿唐水壯子庾哀號峽水驟退舟得安行人為之語曰灩澦如幙本不通瞿唐水退為庾公

瞿唐峽與歸峽巫山峽世稱三峽連亘七百里重巖疊障隱蔽天日非亭午夜分不見日月水經云杜宇所鑿

爛柯山 衢州府城南一名石室道書謂青霞第八洞天晉樵者王質入山見二童子奕質置斧而觀童子與質一物如棗核食之不飢局終示質曰汝斧柯爛矣質歸家已百歲矣

江郎山 在江山世傳江氏兄弟三人登其巔化為石故名山頂有池產碧蓮金鯽

金華山 府城北金星與婺女星爭華故名又名長山周三百六十餘里其最勝者曰金華洞道書第三十六洞天

四明山 在餘姚縣高三萬八千丈周二百一十里由鄞小溪入則稱東四明由餘姚白水入則稱西四明由奉化雪竇入則直謂之四明道經第九洞天也峰凡二百八十有二中有峯曰芙蓉有漢隸刻石上曰四明山心其石有石窗

天水池 在重慶江津縣邑人春月游此競於池中摸

石祈嗣得石者生男得瓦者生女頗驗

大瀼水 在奉節縣杜甫詩瀼東瀼西一萬家即此郡人龍澄嘗於瀼中見一石合採取之獲玉印五文字非世間篆籀忽有神人詫曰玉印乃上帝所寶昔授禹治水治復藏名山大川今守護不謹耳可亟投元處澄如其言後登上第

牛心山 龍安府城之東梁李龍遷葬此武后時鑿斷山脉玄宗幸蜀有老人蘇垣奏龍州牛山國之祖墓今日蒙塵乃則天掘鑿所致也玄宗命刺史修築如舊未幾誅祿山

峨眉山 眉州城南來自岷山連岡疊障延袤三百餘

里至此突起三峰其二峰對峙宛若峨眉

磨鐵溪 彭山象耳山下相傳李白讀書山中學未成
棄去過是溪逢老媪方磨鐵杵白問故媪曰欲作鐵
耳白感其言還卒業

長白山 在開原東北千餘里橫亘千里其巔有潭周
八十里深不可測南流為鴨綠江北流為混同江
太行山 懷慶府城北王烈入山忽聞山北雷聲往視
之裂開數百丈石間一孔徑尺中有青泥流出烈取
搏即堅凝氣味如香粳飯

神農澗 在溫縣神農采藥至此以杖畫地遂成澗

卧龍岡 南陽府城西南即諸葛亮躬耕處有三顧橋

丹水 在內鄉縣抱朴子云水有丹魚先夏至十日夜
伺之魚皆浮水赤光如火取其血塗足可步行水上
天中山 汝寧府城北在天地之中故名自古考日影
測分數莫正於此

金龍池 在平陽府城西南晉永嘉中有韓媪偶拾一
巨卵歸育之得嬰兒字曰極方四歲劉淵築平陽城
不就募能城者極因變為蛇令媪舉灰誌後曰憑灰
築城可立就果然淵怪之遂投入山穴間露尾數寸
忽有泉湧出成此池

五臺山 在五臺縣五峯高出雲漢文殊師利所居曰
清涼山即此

尼山曲阜接泗水鄒縣界顏氏禱此而孔子生記云顏氏升之谷草木之葉皆上起降之谷草木之葉皆下垂

雷澤 在曹州澤中有雷神龍身而人頰鼓其腹則鳴史記舜漁於雷澤即此

鳴犢河 在高唐孔子將西見趙簡子聞殺竇鳴犢臨河而歎因名

濮水 濮州上有莊周釣臺昔師延為紂作糜靡靡之樂武王伐紂師延自投濮水而死後衛靈公夜止濮上聞鼓琴聲召師涓聽之師涓曰此亡國之音也

牛山 臨淄齊景公登牛山流涕曰美哉國乎若何去

此而死也。艾孔、梁丘據皆從而泣，晏子獨笑。公問故，對曰：「使賢者不死，則太公桓公常守之矣；勇者不死，則莊公靈公常守之矣。吾君安得此位乎？至於君獨欲常守，是不仁也。二子從而泣，是諂諛也。見此二者，臣所以竊笑。公舉觴自罰，罰二臣者。」

愚公谷 臨淄愚公山之北，齊桓公逐鹿至此，問一老父何以名。愚公谷對曰：「臣畜牝牛，生犢，賣犢而買駒，少年謂牛不能生馬，遂持駒去。鄰人以臣為愚，故名九華山。」青陽舊名九子山，李白謂九峰似蓮花，華乃更今名。劉夢得嘗愛終南太華，以為此外無奇愛。女几、荆山，以為此外無秀。及見九華，深悔前言之失也。

禹祁山 姑蘇城西相傳禹導吳江以泄具區會諸侯
於此

洞庭山 姑蘇城西太湖中一名包山道書第九洞天
蘇子美記有峰七十二惟洞庭稱雄

孔望山 海州孔子問官於邾子嘗登此望海夾谷山
在贛榆即孔子會齊侯處

碩項湖 在安東秦時童謠云城門有血當陷沒有老
姆憂懼每旦往視門者知其故以血塗門姆見之即
走須臾大水至城果陷高齊時湖嘗涸城址尚存

龍穴山 六安上有張龍公祠記云張路斯穎上人仕
唐為宣城令生九子嘗語其妻曰吾龍也蓼人鄭祥

遠亦龍也據吾池屢與之戰不勝明日取決令吾子射繫鬣以青絹者鄭也絳絹者也子遂射中青絹者鄭怒投合肥西山死即今龍穴

巢湖 合肥世傳江水暴漲溝有巨魚萬斤三日而死合郡食之獨一姥不食忽遇老叟曰此吾子也汝不食其肉吾可亡報乎耶東門石龜目赤城當陷姥日往窺之有稚子戲以朱傅龜目姥見急登山而城陷周四百餘里

滇池 雲南府城南一名昆明池周五百餘里產千葉蓮史記滇水源廣末狹有以倒流故曰滇

金馬山 雲南府城東世傳金馬隱現於上往西則碧

雞山峯巒秀拔為諸山長俯瞰滇池一碧萬頃漢宣
帝時方士言益州有金馬碧雞可祭禱而致乃遣王
褒入蜀

大庾嶺 南雄府城北一名梅嶺張九齡開鑿成路行
者便之上有雲封寺白猿洞廬多遜南遷嶺上憩一
酒家問其姓姬曰我中州仕族有子為宰相廬多遜
挾私竄以死我且寓此嶺俟候其來多遜倉皇避去
羅浮山 在博羅高三千六百丈周三百餘百里嶺十
五峯四百三十二洞八大小石樓三登之可望海又
有璇房瑤宮七十二所南越志羅浮第三十一嶺半
是巨竹皆七八圍節長丈二葉似芭蕉謂之龍慈竹

鯪溪 在潮州府城東一名惡溪溪有鯪魚身黃色四足修尾狀如鼉舉止趨疾口森鋸齒往往為人害鹿行崖上羣鯪嗚吼鹿怖墮崖鯪即蠶食

石鐘山 在湖口下臨深潭微風鼓浪水石相搏響若洪鐘蘇軾嘗泛舟醉此

麻姑山 在建昌府城西南上有瀑布龍岩丹霞洞碧蓮池皆奇境也周四百餘里中多平地可耕道書三十六洞天之一麻姑修煉於此

曲江池 西安府城東南漢武帝鑿每錫宴臣僚於此池備綵舟惟宰相學士登焉宋子京嘗夜飲曲江偶寒命取半臂十餘寵各送一枚子京恐有去取不敢

服冒寒而歸

岐山 一名天柱山禹貢導沂及岐太王邑於岐山之
下文王時鳳鳴岐山皆此

君子津 大同古東勝州界上漢桓帝時有大賈賁金
至死此津長埋之賈子尋父喪至悉還其金帝聞之
曰君子也遂以名津

柳毅井 在君山唐柳毅下第歸至涇陽道遇牧羊婦
泣曰妾洞庭君小女嫁涇川次郎為婢所諧見黜至
此敢寄尺牘洞庭之陰有大橘樹擊樹三當有應者
毅如其言忽見一叟引至靈虛殿取書以進洞庭君
泣曰老夫之臯項之有赤龍擁一紅妝至即寄書女

也宴毅碧雲宮洞庭君弟錢唐君曰涇陽廢婦欲托
高義為姻毅不敢當辭去後再娶盧氏即龍女也

泉石

八功德水 一清二冷三香四柔五甘六淨七不噎八除病北京西山南京靈谷皆取此義

斟溪在連州一日十溢十竭潮泉在安寧州一日三溢三竭漏勺在貴陽城外一日百盈百涸應銅壺漏刻中冷泉 在楊子江心李德裕為相有奉使者至金陵命置中冷水一壺其人忘却至石頭城乃汲以獻李飲之曰此頗似石頭城下水其人謝過不敢隱

惠山泉 在無錫縣錫山舊名九龍山有泉出石穴陸羽品之謂天下第二泉

趵突泉 在濟南平地上水趵起數尺看水者以水之

高下卜其休咎

范公泉 在青州府范仲淹知青州有惠政溪側忽湧醴泉遂以范公名之今醫家汲水丸藥號青州白丸子

妬女泉 在并州婦女不得覩粧彩服至其地必致風雨

阿井水 在東阿縣以黑驢皮取其水煎成膏即名阿膠

虎跑泉 在錢塘唐元和十四年性空大師栖禪其中以無水欲去有二虎跑山出泉甘冽乃建虎跑寺觀泉者僧為舉梵唄泉即感沸而出

六一泉 在孤山之南宋元祐六年東坡與會勤上人
同哭歐陽公處也勤上人講堂初構闕地得泉東坡
為作泉銘以兩人皆列歐公門下此泉方出適哭公
訃名以六一猶見公也參寥泉在智果寺東坡泉在
▲昌縣醉翁亭側亦有六一泉

夜合石 新昌北東洞寺水山寺水口有二石高又餘
土人言二石夜間常合為一

熟石 臨武有熟石狀如常石而氣如熾炭置物其上
立焦

松化石 松樹至五百年一夜風雷化為石質其樹皮
松節毫忽不爽唐道士馬自然指延真觀松當化為

石一夕果化

望夫石 武昌山有人狀如人俗傳貞婦之夫從役遠征婦攜子送至此立望其夫而死屍化為石

醒酒石 唐李文饒於平泉庄聚天下珍木怪石有醒酒石尤所鍾愛其屬子孫曰以平泉庄一木一石與人者非吾子孫也後其孫延古守祖訓與張全義爭此石卒為所殺

赤心石 武后時爭獻祥瑞洛濱居民有得石而剖之中赤者獻於后曰是石有赤心李昭德曰此石有赤心其餘豈皆謀反也

十九泉 在嚴灘釣臺下陸羽品天下泉味謂此泉當

居第十九

一指石 在桐廬縣綴巘谷間以指抵之則動故名
魚石 涪州江心有石上刻雙魚每魚三十六鱗旁有
石枰石斗現則歲豐

龍井 在湯陰相傳孫登嘗寓此歲旱農夫禱於龍洞
得雨登曰此病龍雨也安能蘇禾稼乎嗅之果腥穢
龍時背生疽變一老翁求登治曰痊當有報不數日
大雨見石中裂開一井其水湛然即龍穿此以報也
溫泉 在汝州城西者武后嘗幸此其側又有冷泉順
天府湯山下有泉四時常溫浴之愈疾遵化亦有湯
泉阜平有二泉一溫一冷雲南安寧溫泉色如碧玉

可鑒毛髮驪山西繡嶺下有溫泉

玉泉 在玉泉山下泉出石罅間因鑿石為螭頭泉從螭口出鳴若襍珮色若素練味極甘美潄而為池廣可三丈流於西湖遂為燕山八景之一

神農井 在長子羊頭山即神農得佳穀處

杜康泉 舜祠東廡下康汲此以釀酒或以中冷水及惠山泉稱之一升重二十四銖是泉較輕一銖

金雞石 建德草堂寺之北羅隱常過此戲題曰金雞不向五更啼石遂迸裂有雞飛鳴而去

玉乳泉 丹陽劉伯蒨論此水為天下第四泉

綠珠井 在博白雙角山下梁氏女綠珠生此汲飲者

產女必麗色容縣有楊妃井因妃生此而名鬱林有司命井甘淡半之可給闔境

龍焙泉 建寧鳳凰山下一名御泉宋時取此水造茶入貢

仁義石 建陽二石對立左曰仁右曰義

一滴泉 在廣信南巖泉自石竇中出四時不竭宋朱熹詩有一竅有靈通地脉平空無雨滴天漿

谷簾泉 南府康府城西泉水如簾布巖而下者三十餘派陸羽品其味為天下第一

玉女洞 盤屋洞有飛泉甘且冽蘇軾詩過此汲兩瓶去恐後復取為從者所結乃破竹作券使寺僧藏之

以為往來之信戲曰調水符

畫山石 寧州石上有文燦然若戰馬狀無異畫圖故名

山雞石 寶雞陳倉山下有石似山雞狀晨鳴山巔聲聞三十里

石泉 井陘有石泉隋妙陽公主久病疾浴此遂愈
瀑布泉 廬州開先寺李白詩挂流三千百丈噴壑數十里

醴泉 在新喻黃庭堅嘗飲此歎曰惜陸鴻漸輩不及知也題曰醴泉

卓錫泉 在大庾嶺唐僧盧能被衆僧奪衣鉢追至大

庾嶺渴甚能以錫卓石泉湧清甘衆駭而退

愈痞泉 鶴慶府城東南有溫泉每三月郡人有痞疾者浴此即愈

景致

泰山四觀 日觀雞一鳴始欲見日始欲出長三丈所

秦觀望見長安吳觀望見會稽周觀望見齊西北

燕山八景 薊門飛雨瑤島春陰太液秋風盧溝曉月

居庸疊翠玉泉垂虹道陵夕照西山晴雪

關中八景 輞川烟雨渭城朝雲驪城晚照灞橋風雪

杜曲春游咸陽晚渡藍水飛瓊終南疊翠

桃源八景 桃川仙隱白馬雲濤綠蘿晴晝梅溪烟雨

潯陽古寺楚山春曉沅江夜月重坊曉渡

姑孰十詠 姑孰溪丹陽湖謝公宅凌歊臺桓公井燕

母竹望夫石牛渚磯靈墟山天門山

瀟湘八景 秦望觀海爐峯看雪烟寺晚鐘滄江夜雨
平沙落雁遠浦歸帆洞庭秋月漁村夕照山市晴嵐
江天暮雪

越州十景 秦望觀海爐峯看雪蘭亭修禊禹穴探奇
土城習舞鏡湖泛月怪山瞻雲吼山雲石雲門竹筏
湯閘秋濤

西湖十景 兩峯插雲三潭印月斷橋殘雪南屏晚鐘
蘇堤春曉麴院荷風柳浪聞鶯雷峯夕照平湖秋月
花港觀魚

雁蕩山頂有一湖春雁歸時嘗宿於此內有七十七峯
在温州樂清縣謝康樂別隱搜奇足跡所不能到至

宋祥符造玉清宮伐木至此乃始知名

大龍湫 雁蕩山西有谷曰大龍湫瀑布自絕壁瀉下
高五千丈隨風旋轉變態百出更有峯曰小龍湫從
巖洞中飛流而下高三千丈

玉甌峯 在樂清峰巒奇山巖洞稜層瑩白如玉世稱
白玉洞天

嵎浦 在嵎縣刻谿近畫圖山會稽三賦嵎縣谿山入
畫圖即此

海市 登州海中有雲氣如樓臺殿閣城郭人民車馬
往來之狀謂之海市蘇軾知登州被召將去以不見
海市為恨禱於海神次日遂見

詩八章

輞川別業 藍田宋之問建後為王維莊輞水通竹洲
花塢日與裴秀才迪浮舟賦詩齊中惟茶鐺酒臼經
案繩床而已為關中八景之一

逍遙別業 驪山鸚鵡谷韋嗣立建中宗嘗幸此封為
逍遙公上賦詩勒石令從臣應制張說序云丘壑夔
龍衣冠巢許

涅川八景 霍溪春漲龍潭飛雨楞伽曉月靜福寒林
巾峰遠眺秀巖滴翠圭峯暮靄巖湖疊嶽